

蒙古游牧記卷之八

平 張 穆撰

光澤何秋濤校

外蒙古喀爾喀齊齊爾里克盟游牧所在

喀爾喀賽音諾顏部

喀爾喀中路賽音諾顏部至 京師三千餘里東界博羅

布爾哈蘇多歡接土謝圖汗部南界齊齊爾里克踰瀚

海接烏喇特阿拉善額濟納諸部西界庫勒薩雅孛郭

圖額金嶺北界齊老圖河皆接札薩克圖汗部東北至

唐努烏梁海所部十九旗後增三旗附額魯特二旗凡

二十四旗賽音諾顏旗札薩克和碩親王游牧初喀爾

賽音諾顏

喀有所謂紅教者。與黃教爭。偉徵諾顏諾諾和第四子

圖蒙冒尊黃教為之護持。唐古特達賴喇嘛賢之。授賽

音諾顏號。賽音唐古特語好也。諾顏蒙古語官長也。賽音亦作賽因三音。諾顏亦作諾延諾彥。令

所部奉之視三汗。圖蒙冒次子丹津喇嘛復受諾們罕

號於達賴喇嘛。順治十二年遣子弟來朝。詔丹

津喇嘛領左翼札薩克之一。歲貢九白。如三汗例。十八

年。賜遵文順義號。鑄印給之。康熙三年復

賜丹津喇嘛孫善巴信順額爾克岱青號。二十七年

善巴率族屬來歸。附牧烏喇特界外和勒博津。三十年

編所屬佐領。隸土謝圖汗部。善巴封札薩克多羅郡王。

三十五年晉和碩親王先是喀爾喀分設中路時但以
賽音諾顏名其部以示別於三汗未議襲號乾隆三十
一年親王成衮札布奏所部來歸初善巴爲同族長又
世掌丹津喇嘛所遺印請視三汗例以善巴曾孫諾爾
布札布襲賽音諾顏號
詔允其請俾與土謝圖

汗車臣汗札薩克圖汗均世襲罔替佐領四牧地一統

碩親王善巴駐牧地方東至伊克敖來西至當鄂爾坤

它哈綽河南至克爾齊圖北至夯安穆落河源鄂爾坤河出旗境二水合東流北合一水經右翼

土謝圖汗部界水道提綱鄂爾坤河亦曰鄂勒昆河舊

名阿魯渾河源有二一出杭愛山尾南麓東南流曰姑
落河曲曲二百里而南源自西來會南源出鄂爾吉圖
都蘭喀喇山亦作威者伊圖都蘭喀喇即大黑山也在

杭愛之南八十餘里。又有二源。一自北麓東南流。曰阿木勒稽烏林塔河。西十四度六分。極四十六度八分。一自東麓東流百里而合。又東百餘里。與姑洛河會。始曰鄂爾坤河。東至額魯克台。接右翼中

左旗南至薩音拔吉。接左翼右翼界西至塔楚河。接額爾德尼班第達呼圖

克圖界。河出旗東北境。數水合。西南流。豬為錫拉布里都諾爾。水道提綱。塔楚河源出都蘭喀喇山。東南大幹。

南麓二水。南流而合。東南流百餘里。會東北來三水。折而西南。曲曲流三百餘里。豬為鄂模。周三十里。池南踰。

漠二十里。至大山。三十里。至塔奇。北至鄂爾坤河。接右翼中

右旗東北至鄂博爾呼濟爾圖。接右翼中左旗界西北至庫爾

布拉克灰圖山梁。接中右翼末旗界東南至薩音圖固里克。接軍

臺及左翼右旗界西南至鄂羅素圖。接軍臺及左翼右旗界中左末旗札

薩克和碩親王游牧善巴再從弟策凌祖丹津號班珠

爾圖蒙旨第八子也生子納木札勒號約蘇圖偉徵阿

海子二長卽策凌次恭格喇布坦案恭格喇布坦亦尚

正元年封多羅貝勒遣赴軍營隨兄効力未至卒於塗子佛保降襲固山貝子康熙三十一年

丹津妻格禁勒哈屯攜二孫自塔米爾來歸詔

授策凌三等輕車都尉賜居京師教養

內廷編所屬佐領附察哈爾鑲黃旗駐牧四十五年尚

和碩純愨公主御賜公主曠志和碩額駙碩純愨公主朕之女也生

於康熙二十四年二月十六日午時薨於康熙四十九

年三月二十四日丑時年二十有六卜以某年某月某

日窆於某山嗚呼惟爾柔嘉秉質和順居衷自幼嚴訓
是遵允嫺內則于歸合儀益茂式著賢聲敬以持身聿
成勤儉之德慈庇逮下克推仁孝之思方冀永年忽傷
奄逝特無遺孤於京邸眷念彌深兼命卜葬於近郊恩

施弗替彝章載及窀穸有文勒諸貞珉用志生薨之年
月惟靈其永安於是焉雍正九年追贈固倫長公主

尋 賜貝子品級攜屬歸塔米爾六十年授札薩

克雍正元年以從征奮勉封多羅郡王軍用正黃旗纛

魏源 聖武記策凌連年從軍習漠北山川險易

憤喀爾喀為準夷陵籍銳自磨厲練猛士千隸帳下為

親兵又以準夷恃馳突而喀爾喀無紀律節制每游獵

及止營皆以陣法部勒萬眾森嚴如對壘由是賽音諾

顏一軍 九年晉和碩親王授喀爾喀大札薩克十年以

雄漠北

破賊額爾德尼昭功 賜號超勇 六月準噶爾小

眾三萬由奇蘭至額爾德尼必拉色欽策凌偕將軍塔

爾岱禦之於本博圖山未至賊潛襲策凌帳於塔米爾

掠其子女牲畜策凌返旆馳救并急報順承郡王請師

夾攻而自率蒙古兵二萬夜半繞閒道出山背暹明自

山頂大呼壓下賊倉皇奔潰追擊於克爾森齊老賊大

敗而西路援師不至轉戰十餘次八月賊遂趨額爾德

尼昭據杭愛山麓逼鄂爾坤河而陣策凌麾眾乘暮薄
險蹴之斬馘萬餘獲畜械無算以無兵夾攻小策凌悖
多卜自推河竄而西捷聞諭曰額駙親

王策凌為國輸誠忠勇超絕其特賜黃帶以旌異之此

次軍功非尋常勞績可比隨征官兵著從優議敘其隨

策凌在克爾森齊老擊賊者並加倍議敘案趙翼武

功紀盛書此事語多疏舛魏源征額魯特記知辨其概

馬爾賽自歸化城邀擊之誤而乃影撰綽克渾鄉導事

尤為無根失實茲故參會方案阿克敦

略及超勇親王傳覈實書之晉授固倫額駙德蔭堂集

準噶爾稱額駙策凌曰撒辰王撒辰亦作徹乾隆十五

辰即車臣蒙古語聰明也方略作車臣汗

年薨 詔配享 太廟崇祀賢良祠御賜入

賢良祠祭文曰名標竹帛書崇元祀之文績著邊陲禮

紀大丞之典執干戈以衛社稷夙寄股肱有凡筵而薦

馨香式彰忠藎爾定邊左副將軍固倫額駙和碩超勇

襄親王策凌稟性樸誠賦質沈毅貴為懿戚兩

朝之寵遇彌隆男冠諸藩一代之鴻猷克壯圖丹青於

麟閣倚重長城靖烽燧於龍庭威行絕塞英姿颯爽授

旌鉞以猶新大柯蕭森歎弓刀之倏謝爰奉褒崇之禮

時邀配食之榮異數頻加用示酬庸於勳舊明禮與享

更隆秩祀於崇祠勳勞垂百世之型俎豆賁千秋之色

於戲緬屏翰之遺模精誠如揭承春秋之絜祀盛烈不

昭靈爽有知御製長律悼之曰丁年

尚其歆格定諡曰襄尚主令名聞絕塞宣猷建偉勳

不必讀書知大義每於臨陣冠三軍老成凋謝余憂爾

要寄疇咨子克云重惜賢藩教侑廟報功兼以勸

忠勤第六句注命世子成哀札布嗣為札薩長盟長將

來亦克勝定邊左副將軍之任云御製往清河

賜奠詩曰靈輿肅肅駐河濱歸殯佳城別塞雲即此始

終懷大義果然卓犖前聞中年自是傷哀樂此日何

堪哭戚勳見說漠陞將發引猶教血淚灑三軍第三句

注額駙在日曾奏聞皇考願於身歿後仍歸京

師合葬大長公主園寢今其子奏請朕既允奏并命一

切喪儀皆如宗室親王之例官為經理云御賜

碑文曰朕惟國家賜卹之恩典彌隆於勳戚朝亡酬庸

之制禮尤備於哀榮其有秉圭組以列屏藩執干戈而

固疆圉存效馳驅之力歿邀俎豆之馨則核行以易名

期信今而傳後凡以宣揚國憲獎勵臣勞也惟定邊左

副將軍固倫額附和碩超勇襄親王策凌賦才勇毅秉性忠勤裔本名藩貴為懿戚荷兩朝之寵遇建

一代之壯猶矢精白於寸心誠傾葵藿揚威武於絕塞

淨埽欃槍逮事朕躬益虔侯度譽標宿將師中紀律之

嚴望重長城闔外金湯之衛方深倚畀忽痛淪沮嗟過

隙之莫留無凌煙而永歎贈金以葬俾栖神於貴主之

園命祀有加獲侑食於廟廷之廡異數獨踰於

五等崇祠用享於千秋鑄彝鼎以銘功載懷往績忝秩

宗而考行表示來茲賜諡曰襄聿彰乃烈於戲駿業長

垂於邊徼松楸縣日月之光鴻名勿替於初終琬玉煥

幽潛之采垂諸奕世不亦休歟編修湯大神詞也子成袞札布襲札薩克和碩親王成袞札布世子拉旺多爾濟向固倫和靜公主成婚賜宴御製長律賜之藩屏世澤效匡襄重見秦臺引鳳皇畏侮和親鄙婁敬費奢曠愛笑同昌結縞戒勿恃尊貴就邸勉教孝舅璋嘉宴聊因循典則無須蘭省賦催妝

四十六年

詔世襲罔替

佐領

牧地當

塔米爾哈綏齊老圖三河源

塔米爾亦曰他米勒又作塔密爾有南北兩源南源

出杭愛山北麓。在鄂爾坤源之西者。曰阿索郭特河。西北流百里許。又在其西五十里者。兩湖北流而合。又在其西南九十里者。三澗合而東北流。有西北來二水。皆會。又東北始曰塔米爾河。又北而會阿索郭特河。皆杭愛以北水也。又東北會東南來一水。其東即蘇巴勒干山。又北經特里布拉克地。東受西北來一小水。又東北受西北來之朝木多河。又東北經布拉干地。南受西北來一小水。稍東有齊齊爾里克河。自南來會。又東北受西北一小水。又東北折而北流。有一河合四水。自西來注之。又東北與北源會。北源出枯庫嶺東麓。在杭愛山西北三百里。有二澗。東北流而合。又北會東南來一水。又東北而三澗自西北合。而東流稍北來會。又東北會西北來一水。又東會南來一水。又東北會西北一水。始曰塔米爾河。北岸連山。即哈瑞河諸源也。又東流受北一水。又東有一河。西南自哈龍恩格勒山東北流。合二水來會。又東豬爲台魯勒倭黑池。廣數十里。中有一山。又東流有察罕烏倫河。自西北來會。其南岸即布拉干北山也。又東北百數十里。而南源自西南來會。又東曲曲百里。折而東北百里。會鄂爾坤河。此水兩源俱五百餘里始合。又二百里入鄂爾坤。自杭愛山以北。枯庫嶺

以東諸泉皆會焉。北藩穹廬，羶帳逐山，艸徙牧，初策凌來歸。聖祖賜第京師，及雍正十年，詔城塔米爾河陽，建瓦屋居之。世宗

憫其游牧被掠，賜第。乾隆六年，復因策凌年老，諭移軍營於此。恩沐三朝，寵冠四部，二百年來

藩王無此榮賚矣。哈綏河亦曰哈瑞河，出杭愛西南，幹山在齊老圖源之南，隔山三百餘里，塔米爾河源隔山

百餘里，西十六度三分，極四十七度七分，東北流百里，合西南一水，又東會西一水，又東會南一水，折而北，會

西一水，又東北有一水，自西北大幹山東流，合北來伊遜都蘭喀喇地，山南二水，而南流來會，又東北百數十

里，有一河，合二水，自南來會，始曰哈綏河，又東北曲曲三百里，有朱薩蘭河，自西合二水，東流來會，又東北循

呼普蘇古兒山之南，又東有瑚伊努河，舊作呼納衣河，自西南來會，又東北百餘里，入色楞格河，此河源流長

九百里，齊老圖河源出杭愛西界山下之額爾哲伊圖察罕泊，泊周六十里，在鄂勒白稽山之南，幹百餘里，大

山下西北徑隔山之桑錦達賚泊，百餘里，西十六度八分，極四十八度七分，河自泊東北流出，經烏爾圖烏雅

山南麓，梢東會西北來一水，又東北百餘里，有二水自西

卷之八 賽音諾顏

南合而來會始曰齊老圖河。長春西游記六月十三日。至長松嶺後宿松栢森森。干雲蔽日。多生山陰澗道。間十四日。過山渡淺河。天極寒。十七日。宿嶺西。河水有斷。冷如嚴冬。師易其名曰大寒嶺。山路盤曲西北。且百餘里。既而復西北。始見平地。有石河。長五十餘里。岸深十餘丈。其水清冷可愛。聲如鳴玉。峭壁之間。有大蔥高三四尺。澗上有松。皆十餘丈。西山連延。上有喬松鬱然。山行五六日。峯回路轉。林巒秀茂。下有溪水注焉。平地皆松樺。礫木。若有人煙狀。尋登高嶺。勢若長虹。壁立千仞。俯視海子。淵深恐人。程春廬氏曰。所謂長松嶺。盛夏有冰雪。踰嶺百餘里。有石河。長五十里者。卽今鄂爾坤河。東流將會喀拉河處。河經山峽。故曰石河。雍正中西北拒準噶爾。其時黑龍江至鄂爾坤軍營者。過汗山。卽西北渡土拉河。西北行踰喀里呀拉山。乃濟鄂爾坤河。以長春行程推之。當亦經此。長松嶺。或卽喀里呀拉山。已在北極出地四十九度處。是以寒甚歟。然則先自西南。灤驛路四程。西北渡河者。土拉河也。過山渡淺河者。博羅河也。其曰西山連延者。乃鄂爾坤河以西之山。長春於此渡河。可見山行五六日。峯回路轉。嶺勢若長虹。壁立千仞。俯視海子。淵深恐人。則已在厄墨勒河之側。

矣沈君子惇曰據真人所行多山路又有海子淵深之語疑在今賽音諾顏中左旗之南中左末旗之西北齊老圖河側近以其所渡之水東北流也若踰山而西水皆西南流矣穆案子惇所攷是也蒙古語謂石曰齊老謂有日圖長春所經石河

即今齊老圖河無疑也東至庫爾鄂博爾布拉克接牙班第達呼南至素溫都爾接額爾德尼班第西至灰

圖塔米爾額沁接清素珠克圖諾們罕界方略乾隆二十年九月

諾顏綽爾濟在阿睦爾撒納游牧誦經聞阿睦爾撒納之喇嘛楚魯木班珠爾以理阻止阿逆部眾不使逃竄

諾顏綽爾濟即給予楚魯木班珠爾衣服以示獎勵并令其安撫眾人深知大義著加恩賞給清蘇朱克圖諾

們汗之號北至伊克沙巴爾山梁接中左東北至綽隴鑄給印信

山梁接札牙班第達西北至翰克嶺接中左東南至桑

金陀羅海接額爾德尼班第達呼圖克圖界乾隆六年命參贊大臣副都統慶泰閱所部防

蒙古游文記八 賽音諾顏 七

秋兵於桑錦陀羅海以右翼右後旗車木楚克札布中
後旗達木布多爾濟軍容嚴整並獎資之即是

地也西南至庫克嶺接右翼右後旗界右翼右後旗札薩克多羅

郡王游牧圖蒙有長子卓特巴號車臣諾顏有子三第

三子索諾木和碩齊子二長烏巴達次托多額爾德尼

康熙二十七年来歸附牧烏喇特界三十年授托多額

爾德尼札薩克鎮國公先是噶爾丹自杭愛山越圖拉轉掠克魯倫所部多潰走托多

額爾德尼獨拒戰殺傷略相當賊眾稍哀有兩人共一

騎及削木以為杖者二十九年三月偵噶爾丹居巴顏

烏蘭偕同族素泰伊勒登以兵三千隨侍郎溫達赴圖拉遏噶爾丹歸路三十一年卒

詔烏巴達襲初托多額爾德尼無子以從兄子策旺
諾爾布為嗣授侍衛擢內大臣上駟院卿康熙五十一

年烏巴達子巴穆卒。

命仍以策旺諾爾布襲雍

正二年因進藏功晉封固山貝子子車木楚克札布乾隆

隆十九年。

賜貝勒品級二十一年青衮咱卜叛

車木楚克札布督兵接續驛站軍書乃達封多羅貝勒

尋復以招降烏梁海善於撫納晉多羅郡王四十六年

詔世襲罔替

佐領

牧地

一統志固山貝子托和厄爾得尼駐牧地東至

和牧爾圖西至翁金河南至

阿爾古哈納北至吉哈馬爾

當拜塔里克河源

貝德勒克亦作拜達里克源出枯庫嶺南麓其北麓隔山即塔米爾河源也三水南流合而西南百餘里有查

克河自北山合五水南流三百餘里來會經庫倫伯勒齊爾之地初土謝圖汗察琿多爾濟與札薩克圖汗成

齋交惡康熙二十五年

敕與達賴喇嘛使人噶爾旦勒西圖赴喀爾

喀諭二汗和為盟於庫倫伯勒齊爾察琿多爾濟不至
 使弟哲布尊丹巴呼圖克圖往受盟又康熙三十五年
 九月阿拉布坦下降人奏噶爾丹率其黨羽踰杭愛山
 由庫冷白兒齊爾趨塔米爾色欽向正西而去皆是地
 也又南二百里有察罕帖睦爾河東北自索阿都依嶺
 合二水西南流二百數十里來會又南出兩山間西南
 流平地中百數十里有西彌河自南合東南一水北流
 來會又西南百餘里豬為察罕泊源流八百餘里雍正
 九年八月超勇親王策凌既敗小策凌悖多卜於額爾
 德尼昭賊突圍遁推河棄其輜重牲畜塞滿山谷以阻
 我師策凌急檄馬爾賽於拜達里克河邀賊歸路時拜
 達里克城中屯兵萬三千副將軍達爾濟整隊待發馬
 爾賽不許副都統傅鼐至跪求出兵亦不許軍士登城
 望見賊騎由城下過如亂鴉投林紛襍無行列一邀擊
 可盡俘也翼日將士不稟命自出追之小策零悖多卜
 已從前隊過僅截其零騎擊斬千計事聞詔斬
 馬爾賽及附和阻撓之都統李杓以徇馬爾賽者文襄
 公圖海之子也準噶爾勢由是遂衰不復敢擾邊十一
 月命副都統銜馬哈達原任巡撫圖理琛往札
 克拜達里克處修築城垣十年順承郡王錫保奏報鄂